

不可計量

十七末

稱揚諸佛功德經卷中

改二

輾許同用反 闡昌演反 崖際上音佳反 些些音二
也呵 姝妙反尺朱也 福陞下上必淺反 局音二
反傾 頭逮音代 錠音直 蟲音直
及也

稱揚諸佛功德經卷下

改三

元魏西域三藏吉迦夜共曇曜譯

復次舍利弗西方去此度十萬億佛刹有世
 界名曰安樂其國有佛号阿彌陀如來至真
 等正覺明行成爲善逝世間解無上士道法
 御天人師号曰衆祐度人無量若有得聞無

應字筆

量壽如來名者一心信樂持諷誦念當起廣
 遠無量歡喜安立其意令使真諦十萬億信
 心念斯如來其人當得無量之福永當遠離
 三塗之厄命終之後皆當往生彼佛刹土命
 欲終時一心信樂念不忘捨阿彌陀佛將諸
 比丘僧住其人前魔終不能壞毀斯等正覺

之心所以者何其佛世尊與立大悲誓度一
 切無量衆生亦復護持十方世界一切衆生
 其有得生安樂世界當於其中具滿如來正
 覺之慧舍利弗其佛世尊本求誓願其有求
 於第二之乘於其世界具滿如來諸佛之法
 具正覺分求聲聞乘於彼佛刹得阿羅漢其
 有往生彼佛刹者從其所願大小之乘於彼
 畢滿其有最後聞阿彌陀如來名号讚說之
 者信不狐疑當起敬心至意念之如念父母
 作如是意斯等普當於彼佛國具滿衆願其
 有不信讚歎稱揚阿彌陀佛名号功德而謗
 毀者五劫之中當墮地獄具受衆苦
 復次舍利弗西方去此十萬佛刹有世界名
 破一切魔其國有佛号曰殊勝如來至真等
 正覺明行成爲善逝世間解無上士道法御
 天人師号曰衆祐度人無量其有得聞殊勝
 如來名者歡喜信樂持諷誦念此等皆能降
 伏衆魔裂壞羅網却六十劫生死之罪

復次舍利弗西方去此十萬佛刹有世界名曰伏一切魔其國有佛号曰集音如來至真等正覺明行成爲善逝世間解無上士道法御天人師号曰衆祐度人無量其有得聞集音如來名号者歡喜信樂持諷誦念其人當得一切如來諸佛音聲於大衆中廣說法處

於中特尊退却衆魔降之以德却八十劫生死之罪

於是阿逸菩薩長跪叉手前白佛言寧有一事菩薩摩訶薩於此事中具大乘願住不退轉疾成無上正真道不佛言有阿逸北方有世界名曰豐嚴其國有佛号德內豐嚴王如

改三

二

來至真等正覺明行成爲善逝世間解無上士道法御天人師号曰衆祐度人無量其有得聞斯佛名者歡喜信樂持諷誦念而爲作禮其人皆當得不退轉疾成無上正真之道却一劫生死之罪其有供養五千佛者此輩阿逸爾乃得聞德內豐嚴王如來名号其聞

名者從是已後所生之處常得天眼未曾不得天眼之時常能徹聽未曾不得天耳之時常能飛行無有不得神足之時乃至泥日常得端正未曾受於醜惡之形乃至泥日常得尊貴未曾生於下劣之家乃至泥日常能除衆欲之縛其人六情眼耳鼻舌及於身意

終無有病乃至泥日常未曾生無佛之處聽大尊法未曾有礙不得聽時未曾有礙不見僧時亦復不生八難之處戒常具足無有缺時識心清淨無有忿亂時當知阿逸其有得聞此佛名者淨心信樂於最正覺如渴欲飲發信敬心向如來者此等阿逸悉能捉持諸

佛世界最特之刹其人皆當獲於殊妙奇特功德是故阿逸並當專精持此佛名若族姓十族姓女欲得殊特妙淨刹者當急聽此諸尊佛名稱其名号當爲作禮自作是言我今禮於德內豐嚴王如來至真等正覺明行成爲善逝世間解無上士道法御天人師号曰

改三

三

衆祐度人無量阿逸白佛言唯天中天其佛刹土爲在何所去此遠近成佛以來爲幾時也佛告阿逸設使縱廣百由延中一大堆沙取一沙著一佛刹如是悉著諸佛刹中悉令沙盡如是沙數諸佛刹土悉滿中沙復取諸佛刹土中沙復以一沙著一佛刹如是諸國刹中沙悉使令盡取此沙數諸佛刹土悉破爲塵復取一塵著一佛刹悉令塵盡是諸佛國塵數刹土猶尚未至餘未到者過此百倍其佛刹土去此極遠不可稱量其佛世尊在彼豐嚴刹土之中而今現在與無央數諸開士等不可稱計諸比丘衆前後圍遶而爲說法我於此坐遙用肉眼見其如來於大衆中廣說經法彼佛世尊於彼刹土在高座上亦用肉眼觀此世界亦復見我在於座上於大衆中而說經法阿逸當知若有衆生信諸如來肉眼所見而歡喜者此必成就正覺之道斯等皆諸佛如來之所護持令使信樂而不

狐疑斯等皆當捉持如來微妙之慧得不退轉於最正覺是故阿逸其欲求此大福者若使三千大千世界滿其中火故當入中聽斯佛名智慧之法

阿逸菩薩復白佛言寧有一法得不退轉疾成無上正真道不佛言有阿逸北方去此不

可計數諸佛刹土有世界名曰金剛堅固其國有佛号金剛堅強消伏壞散如來至真等正覺明行成爲善逝世間解無上士道法御天人師号曰衆祐度人無量其有得聞金剛堅強消伏壞散如來名者歡喜信樂持諷誦念盡心供養斯等皆當住不退轉疾成無上

正真之道却於十萬億那術劫生死之罪超然在後其佛如來功德無量弘誓乃爾我自過去無數劫前錠光如來興出於世於彼佛所而得聞此金剛堅強消伏壞散如來名号得超十萬億那術劫生死之罪阿逸當知若我不從錠光聞斯佛名者我今故未得成正

改三

四

覺其佛何故名曰金剛堅強消伏壞散譬如金剛所在墮處若山若岸瓦石土壘墻壁樹木若遙礙向所墮之處莫不消滅破碎壞散如是阿逸其有得聞此佛名者持誦誦念一切諸欲皆疾消散一切聲聞辟支佛心福陞之意皆悉消滅疾得成就正覺之道是故号

曰金剛堅強消伏壞散如來其佛世尊一切眾願具滿如是

復次阿逸北方去此度十萬億諸佛刹土有世界名摩尼光其國有佛号曰寶火如來至真等正覺明行成爲善逝世間解無上士道法御天人師号曰眾祐度人無量其有得聞寶火如來名号者歡喜信樂持誦誦念其有未入泥洹界者斯等一切皆當得立不退轉地疾成無上正真之道其佛刹土一切人民供養寶火如來之者悉一大乘而得度脫無有聲聞緣覺之名
佛告長老迦葉當知諸佛如來之德不可

思議北方去此五十萬佛刹有世界名阿竭流香其國有佛号寶月光明如來至真等正覺明行成爲善逝世間解無上士道法御天人師号曰眾祐度人無量迦葉若族姓子族姓女其有得聞寶月光明如來名者歡喜信樂持誦誦念此等後世所生之處得不中止

改三

五

三昧正定若三昧時自見諸佛轉尊法輪悉能揔持諸佛之法在所生處常爲眾生闡揚大法辯才清妙於眾特尊諸所欲求從願悉得所以者何其佛世尊本求道時與此誓願吾成正覺聞我名者令使得此三昧定意從初發意至于成道於其中間常得此定未曾中失於是世尊而歎頌曰

度五十萬諸佛刹 有世界名阿竭流
其國有佛号寶月 光明晃煜甚巍巍
其有得聞此尊名 便爲已得所依仰
後生之處則得禪 精進智慧無中止
名聲普達光圍遠 其人見佛在刹土

為諸衆生廣興演
一切諸事無堅固
普當慈哀於一切
已能發行如是意
審諦解了無吾我
諦了諸事無所得

諸佛導師所說法
觀諸法中無所起
於諸禪中得自在
都了三塗無恚忿
有無所者非無有
於此中間所興法

如是法者無所住
此二俱空亦無性
無表識者是空義
表識可了不可了
諦觀此二俱清淨
所說法者無所倚

求了表識無表識
興顯如是無我法
當審諦說此妙法
此二俱轉於癡慧
亦不復見諸法垢
都了無依波羅蜜

譬如月行於虛空
如此妙法興是間
菩薩法中無所依
解了此法為人說
審諦分別如是者
慧者得聞無依句

其所說法無所倚
於三界中無所著
解如是者一切智
若能解達無倚法
其人則為近大智
終無復有狐疑計

其人解了如是者
暢達如是大智慧
復次迦葉北方去此六萬佛刹有世界名長
歡樂其國有佛号曰賢最如來至真等正覺
明行成爲善逝世間解無上士道法御天人
師号曰衆祐度人無量其有得聞賢最如來
名号之者歡喜信樂持誦誦念所生之處當
爲一切之所敬愛言見信用其所言教莫不
稟承其人皆當獲斯功德得無礙辯所說經
法衆生聞者歡喜信解莫不履行於是世尊
而歎頌曰

改三
六

度於六萬諸佛刹
慈哀度法賢最尊
最尊無比無與等
其聞名者作法師
此一切智大法王
若有女人聞其名
穢惡甚深無崖際

有界名曰長歡樂
其大導師在卅界
世世濟度諸衆生
言奉信用莫不歡
無量黎庶斯依仰
疾得捨離女人形
非離世者不能入

其無所有所可入 是爲審諦諦不諦
了此二事俱無性 其已寂滅無有性
其有盡者已爲滅 甫當興者亦無性
復次迦葉北方去此八千佛刹有世界名曰
現入其國有佛号寶蓮華步如來至真等正
覺明行成爲善逝世間解無上士道法御天

人師号曰衆祐度人無量若族姓子族姓女
其有得聞寶蓮華步如來名者歡喜信樂持
諷誦念後生之處顏貌端正殊妙無比衆共
敬愛自識宿命無數劫中事皆悉了知生所
從來所作善惡悉皆識知其所生處所說言
教一切信奉莫不承用迦葉若族姓子族姓
改三
七

女得聞斯等諸如來尊正覺名号功德之行
若有愛樂女人身者如是女人在於女中未
得解脫若厭女人身不貪樂者持諷誦念諸
佛名者盡可得斯等衆德迦葉白佛當復云
何得此功德佛言絕諸名色盡諸欲垢斯等
疾遠無量功德當疾遠離女人之身當得具

受男子之形求爲女者所生之處續受女人
之身都悉汗穢一切世界是故當棄女人之
身當得無比諸善知識功德日生亦自受福
復利他人多所饒益一切男女於衆苦中疾
得拔濟譬若毒樹所在之處蔓延生長多所
傷害若能截斷諸毒樹者令使一切普得快

樂女人之身譬若毒樹增長諸欲毒害精神
廣諸惡行受無量苦皆由女人若能斷棄女
人身者則爲斷絕衆生無量諸苦壞衆惡行
閉絕三塗開泥洹門普使一切而得快樂斯
等疾入諸佛徑路迦葉白佛云何得除女人
之身佛言當自觀身觀他人身解此二事俱
不可得不可得中無有徑路若於男子及女
人中觀其處所男女相貌亦不可得若了二
事亦不可得無處所者當於其中願得清淨
若已清淨則無取捨已無取捨便無識心諦
推覓之亦不可得無有處所意自思惟無處
所中爲求男子成女人乎諦求索之意不可

得若解意性了無男女不可見者亦乃得近如來之道其欲發心疾欲除去女人之身諦觀男子女人之身了無異同增減之二當受女人作女人形如其所說以理推之六情分中亦不可得有男有女其如是者則爲求索如來之道其欲求解如此事者復有諦了知

此法者是二輩人過去佛時曾得聞此諸佛名号當知其人過去世時於諸佛所造大功德今乃聞此諸佛名号世所依仰爲自在者其奉持此諸尊号者獲無量福其有聞者若有學者我普見之有欲急求得此經者斯等已爲見我無異若有輕慢其人說言此非佛

改三

八

語作是言者此等便爲謗佛毀經謗斯經已爲造大惡緣此惡行當入地獄受衆苦報無央數劫地獄罪畢所生之處常當聾瘡不能言語諸情閉塞常不完具常當愚癡而有顛狂其有燒固諸菩薩者薄德醜陋言無威勢常生下賤常生惡道所生之處常不聞法如

來正覺所說經法終不能解說深妙義愚癡之人與經共諍廣受罪報增益其意毀斯經法此衆生輩生常愚癡諸佛正覺常爲世間而作大明我重懇誠屬汝等諸比丘及比丘尼清信士清信女其有謗毀罵經法者實受重罪諸佛世尊現在十方無量世界爲作

法師所說經法實難得聞如來慈愍重誠汝等若有信樂諸佛名号功德法者於諸善法自然合偶其有學持諷誦念者其人疾得見諸如來智慧轉增得無礙慧其有勸人讀諸佛名所生之處遊四方域獨言隻步而無所畏其有好樂盡心敬奉此諸佛名當知其人去正覺道終不復遠其有好喜諸佛功德加益勸人學斯佛名其人所在於諸如來所遊行處於諸欲中無所畏難當知迦葉若有比丘具四事法乃能信此諸佛尊名何等爲四過去世時於諸佛所得聞深法喜樂靜冥清淨之處世世值遇諸善知識不於法中作危

改三

九

難行當知迦葉是爲四事若有比丘以能見此於諸如來正覺法中而無疑難其人得聞如來功德亦乃一心能信樂之於是世尊而歎頌曰

過去供養諸佛尊 緣此功德其聞名
最後惡世其聞者 普用是号增衆德

其有過去見諸佛 得聞如來深妙義
往世淨德不諍法 斯輩乃能信奉行
若使得聞深妙法 說諸若干微妙義
斯輩終不起狐疑 佛之深法無能毀
安住所說諸法義 以思集意信普智
堅固其意聽我說 念莫忘失此尊法

終不復更與法諍 聞諸佛名能奉行
有念無念不相豫 於其法中無差特
不可思議極廣大 終無猶豫於大智
其求此法深慧者 解達深義無諮啓
無疑勤求諸深法 此等不喜下劣業
當知此人無所求 極大勇猛於法中

佛所說法莫不信 其有衆生於先世
合偶衆善受福報 無所違諍乃得聞
顯諸如來大智德 皆爲讚歎十方佛
其有諷持諸佛名 諸佛遙讚其人德
於大衆中歎其名 常當得聞諸佛聲
疾能解了大智法 極大清淨無生業

放大光明超日月 廣爲衆生演妙法
後會當成最正覺 普悉照曜諸佛刹
復次迦葉上方有界名曰寶月其國有佛号
金寶光明如來至真等正覺明行成爲善逝
世間解無上士道法御天人師号曰衆祐度
人無量今現在說法

復次迦葉上方有世界名象步樓其國有佛
号無量尊豐如來至真等正覺明行成爲善
逝世間解無上士道法御天人師号曰衆祐
度人無量今現在說法
復次迦葉上方有刹名天王女其國有佛号
無量尊離垢王如來至真等正覺明行成爲

改三

十

善逝世間解無上士道法御天人師号曰衆
祐度人無量今現在說法

復次迦葉上方有利名須彌旃其國有佛号
曰德手如來至真等正覺明行成爲善逝世
間解無上士道法御天人師号曰衆祐度人
無量今現在說法

復次迦葉上方有利名遵聚妙意其國有佛
号無數精進興豐如來至直等正覺明行成
爲善逝世間解無上士道法御天人師号曰
衆祐度人無量今現在說法

復次迦葉上方有利名曰無受其國有佛号
無言勝如來至真等正覺明行成爲善逝世
間解無上士道法御天人師号曰衆祐度人
無量今現在說法

復次迦葉上方有利名淨觀莊嚴其國有佛
号無愚豐如來至真等正覺明行成爲善逝
世間解無上士道法御天人師号曰衆祐度
人無量今現在說法

復次迦葉上方有利名曰日光其國有佛号
月英豐如來至真等正覺明行成爲善逝世
間解無上士道法御天人師号曰衆祐度人
無量今現在說法

復次迦葉上方有利名曰說法其國有佛号
無量光豐如來至真等正覺明行成爲善逝

改三

上

世間解無上士道法御天人師号曰衆祐度
人無量今現在說法

復次迦葉上方有利名寶豐首盡其國有佛
号逆空光明如來至真等正覺明行成爲善
逝世間解無上士道法御天人師号曰衆祐
度人無量今現在說法

復次迦葉上方有利名曰好集其國有佛号
最清淨無量旃如來至真等正覺明行成爲
善逝世間解無上士道法御天人師号曰衆
祐度人無量今現在說法

復次迦葉上方有利名曰殊勝其國有佛号
好諦住惟王如來至真等正覺明行成爲善

逝世間解無上士道法御天人師号曰衆祐
度人無量今現在說法

復次迦葉上方有利名生精進其國有佛号
成就一切諸刹豐如來至真等正覺明行成
爲善逝世間解無上士道法御天人師号曰
衆祐度人無量今現在說法

復次迦葉上方有利名曰願力其國有佛号
淨慧德豐如來至真等正覺明行成爲善逝
世間解無上士道法御天人師号曰衆祐度
人無量今現在說法

復次迦葉上方有利名娛樂入其國有佛号
淨輪藩如來至真等正覺明行成爲善逝世
間解無上士道法御天人師号曰衆祐度人
無量今現在說法

復次迦葉上方有利名栴檀香其國有佛号
瑠璃光最豐如來至真等正覺明行成爲善
逝世間解無上士道法御天人師号曰衆祐
度人無量今現在說法

復次迦葉上方有利名曰星宿其國有佛号
寶德步如來至真等正覺明行成爲善逝世
間解無上士道法御天人師号曰衆祐度人
無量今現在說法

復次迦葉上方有利名無量德豐其國有佛
号最清淨德寶住如來至真等正覺明行成

改三

上

爲善逝世間解無上士道法御天人師号曰
衆祐度人無量今現在說法

復次迦葉上方有利名曰聲所不至其國有
佛号度寶光明塔如來至真等正覺明行成
爲善逝世間解無上士道法御天人師号曰
衆祐度人無量今現在說法

復次迦葉上方有利名無際限其國有佛号
無量慚愧金最豐如來至真等正覺明行成
爲善逝世間解無上士道法御天人師号曰
衆祐度人無量今現在說法

於是世尊而歎頌曰
德如月滿其如來 諸天最上爲尊雄

此諸大尊德中王 能為眾生除諸殃
 持諸佛名成功德 能淨諸刹為肅淨
 其難得值此尊經 少有眾生聞其名
 若有信行而供養 得大智慧勇力強
 解了諸法無有量 當成一切正覺王
 正覺之法甚深微 不當於中起狐疑

當善信奉諸導師 歡喜敬禮慎莫疑

復次迦葉上方有利名寶蓮華莊嚴其國有
 佛号蓮華尊豐如來至真等正覺明行成爲
 善逝世間解無上士道法御天人師号曰衆
 祐度人無量其有得聞蓮華尊豐如來名者
 三惡之道爲已閉塞爲已得成如來之華於

改三

十三

諸正覺一切法中便爲得成無上道華却生
 死罪三十六劫於是世尊而歎頌曰

上方有利寶莊嚴 衆華茂盛普大千
 光色晃昱甚可觀 譬如天上難檀桓
 蓮華尊佛在其刹 說法無比慧通達
 光普照曜大千界 衆相端嚴聖中最

若有女人聞其名 斷絕惡道遭諸聖
 却三十六劫生死 必成正覺不退轉
 不見身咽道清淨 世世智慧功德成
 緣念諸佛得善友 怨家消滅除罪苦
 當普禮此是諸佛 今悉現在於異刹
 其人快當受供養 用禮諸佛大法王

此等不當疑我言 必當成佛得無邊
 常當共諸妙法會 後成正覺慧獨達

復次迦葉上方有利名曰寶燈其國有佛号
 淨寶與豐如來至真等正覺明行成爲善逝
 世間解無上士道法御天人師号曰衆祐度
 人無量其有得聞淨寶與豐如來名者歡喜
 信樂持諷誦念其人得七覺意寶却三十劫
 生死之罪於是世尊而歎頌曰

上方有界号寶明 淨寶最尊在其刹
 其有得聞名号者 斯等當得七覺禪
 三十六劫生死苦 超越過去無因緣
 得無比力住不動 常當遭俱諸天尊

復次迦葉上方有利名曰電光其國有佛号
電燈旃王如來至真等正覺明行成爲善逝
世間解無上士道法御天人師号曰衆祐度
人無量其有得聞電燈旃王如來名者歡喜
信樂持諷誦念斯之人等悉當遠離八難之
處終不復生下劣之家於是世尊而歎頌曰

上方有界名電光

天尊号曰電燈王

其有聞此快士名

八難永斷不復生

智慧解了生死根

種種功德隨次成

興隆道化度衆生

智慧獨達無比聖

復次迦葉上方有利名虛空緻其國有佛号

法空鎧如來至真等正覺明行成爲善逝世

改三

古

間解無上士道法御天人師号曰衆祐度人
無量其有得聞法空鎧如來名者歡喜信樂
持諷誦念却六十劫生死之罪得不退轉於
最正覺常得與諸佛共會現世得見其佛世
尊亦於夢中見此如來當知迦葉其人今世
五體投地一心恭敬向於如來其人則種無

量功德諸善根我悉得具滿常當得值諸善
知識常與諸人共相敬愛如是迦葉是爲現
世獲諸善報其佛如來一切功德普集如是
於是世尊而歎頌曰

有虛空緻大世界

其佛号曰法空鎧

名稱普達其世尊

光明極大喻虛空

其有得聞此尊名

超六十劫生死罪

必當遭值見諸佛

於如來前講妙法

精進現世見其佛

當五體禮其如來

夢中得見其世尊

其佛導師光圍遶

念其如來致斯德

常當得見諸大哀

生常得值諸法王

其人現世見諸佛

其佛導師德無量

智慧普達爲法王

其有勤求衆德者

盡心敬意禮其佛

復次迦葉上方有利名審諦分其國有佛号

一切衆德成如來至真等正覺明行成爲善

逝世間解無上士道法御天人師号曰衆祐

度人無量何故此界名審諦分當知迦葉其

改三

十五

彼世界皆為八分衆華分栴檀樹分金多羅樹寶緻分其佛刹土出衆名香徧其世界於彼刹土在虛空中成為香蓋普覆佛刹其佛如來趣於法座莊嚴大會其有得聞一切衆德成如來名者六情端正常得清淨解了諸佛妙法之分却八十劫生死之罪於是世尊

而歎頌曰

審諦世界有八種 多羅寶樹香莊嚴
出妙名香徧其刹 普覆虛空香雲蓋
大智正覺在其刹 名聲普達号衆德
色像端嚴甚殊妙 法王獨步無畏懼
其有得聞此尊名 端正奇妙功德成

節解圓滿而方正 視之無厭莫不敬
功德極尊無與等 歡喜踊躍遊諸刹
精進勇猛甚超異 却八十劫生死罪
於正覺道終不轉 廣能演說佛尊法
逮得一切諸快樂 後生之處常尊貴
逮得清淨無差特 思念如來衆功德

思惟智慧諸法義 增進功德成諸智
復次迦葉上方有利名曰月英其國有佛号
賢旃幢王如來至真等正覺明行成為善逝
世間解無上士道法御天人師号曰衆祐度
人無量其有得聞賢旃幢王如來名者歡喜
信樂持諷誦念其有當得立不退轉成最正

覺却五十劫生死之罪於是世尊而歎頌曰

上方有界名月英 其佛号曰賢幢王
法王大仙在其刹 相好盛明如滿月
其有得聞此尊号 遊生死路諸根明
於諸法中常增長 審諦得住如來種
至心念佛而敬禮 却五十劫生死罪

復次迦葉上方有利名曰寶種其國有佛号
一切寶緻色持如來至真等正覺明行成為
善逝世間解無上士道法御天人師号曰衆
祐度人無量其利何故名曰寶種當知迦葉
其佛世界一切衆生悉求無上正真之道其
國菩薩神足勇猛無數菩薩俱共同時如彈

改三

十六

指頃以神足力飛到十方供養無量恒沙諸佛悉皆周徧悉能成就一切衆生說是諸佛功德處時若有聞者則爲到此諸佛國已誰能發起大精進行有菩薩摩訶薩其有捉持此名号者其名曰師子戲菩薩師子奮迅菩薩師子旃菩薩師子作菩薩堅勇精進菩薩

擊金剛慧菩薩其有得聞一切寶緻色持如來名号及諸菩薩大士名者皆悉當得如來十力十八不共特異之法常能轉於不退法輪却六百劫生死之罪於是世尊而歎頌曰

我今已說諸法王 今悉現在康常者
無師自覺大導師 得泥洹樂爲最尊

如來名号性清淨 諸法威儀行清淨
其有最後聞諸名 興太歡喜懷恭敬
不當狐疑於如來 至誠奉信莫言無
汝當知是舍利弗 斯等先世已供我
若有供養於諸佛 其人最後恐怖世
得聞此等諸尊經 一心信樂無疑生

諸佛大智所遊路 無比最上慧通達
於是法中多所成 云何於中疑此經
若值妙珠無疑寶 愚者不識嫌不好
貧者猶豫意未了 既無重價致此寶
是法出生等正覺 此皆大士之所聞
智德淺者無慧眼 斯等何從而能信

改三

十七

其有富者積衆寶 聞如意珠大歡喜
歎譽甚多益衆寶 我當買取自莊嚴
其有福慧合聚者 聞諸佛名大歡喜
鄭重讚歎欲得聞 得正覺珠自莊嚴
行惡之法求惡者 其有諛諂及反戾
福德智慧薄少者 終不堪任聞此法

短促倒覆及愚癡 慳垢甚多成穢意
貪媿瞋恚惑亂者 此輩不任聞此法
學尠懶慢憍自輕 弊惡親友意未成
直卷自舉外如清 斯衆不任聞此經
無數天人時唱言 巍巍正覺無上尊
快哉妙法甚難聞 當聽無此道之珍

聞諸如來名号中 所得盈利叵數陳

諸天在上虛空中 而散華香鼓樂音

諸天妙香而熏徧 大千世界結香雲

光明普照諸十方 一切刹土六返震

爾時世尊說諸如來名号之時諸在會者悉

於座上遙見此等諸佛世尊各在其國大衆

之中而說經法悉從座起禮諸世尊莫不歡

喜踊躍無量於時會中無數千人已有得道

未得道者悉發無上正真道意十方世界諸

菩薩等各如恒沙皆來詣此禮釋迦文於其

會中一億比丘得阿羅漢比丘比丘尼復有

十萬人得法眼淨復有十萬人悉得法忍五

百優婆塞四百優婆夷同時從座起整衣服

供養如來盡發無上正真道意

於是舍利弗長跪叉手前白佛言此名何經

云何奉持佛言此經名曰稱揚諸佛功德法

品亦復名曰集諸佛華當奉行之

爾時世尊說此經竟舍利弗及諸比丘諸天

人民龍阿須倫一切大會皆大歡喜前為佛
作禮而去

十六末

稱揚諸佛功德經卷下

改三

狐疑上音胡野狗堆丁回反壘倫水晃煜上胡

廣反下余菊蔓上音萬下余扇反完反戶官

反光明兒也蔓上音萬下余扇反完反戶官

媯一奴鳥反妙反息淺域于力反娛音愚伺徒舊音

音同緻反直利鎧燈諸奮迅上私問反疾也

中奉矣江浙等處行由書寫纂錄事張文虎發心施財恭入

平溪磧砂延聖寺雕刊 大藏經板永遠流通所集殊因祝延

聖壽萬安 歲次壬寅大德六年月 日提調刊經僧量瑞謹題